


涵谷幽蘭

王炳田



一切法無生，唯在一心耳。夜半子時見太陽，男子懷胎笑煞人，不易之易法自然，覺性圓明子午針。子曰：「同聲相應，同氣相求，水流濕，火就燥，風從虎，雲從龍，聖人作而萬物化，本乎天者親上，本乎地者親下，則各從其類也。」貫攝常法，如如之心，放諸四海而皆準，能立萬世而不易。故曰：「為天地立心，為生民立命，為往聖繼絕學，為萬世開太平。」大道甚夷而民好

徑。子曰：「誰能出不由戶，何莫由斯道也。」孟子曰：「仁者安宅也，義者正路也，曠安宅而弗居，舍正路而不由。哀哉！」子曰：「兩人同心其利斷金，同心之言其嗅如蘭。」

五盤四貴白陽會，三陽開泰子之所慎齋。謹遵天命三曹信，如履薄冰，彌勒佛金闕身，末後為尊。故曰：「未闢洪濛產地玄，生生化化五行先，自古無邪不顯正，從

基礎小品

來有道魔相連。」欲達天人合一，便須合於道也。勿為形體所累，故達生必達性，則生命方顯真意義，並達乎天地之育化，而徹悟不動體，親見本來人。今觀世俗之子，凡事投機取巧乎！不究自心，只知外務乎！心猿意馬乎！見異思遷，機心用事乎！花樣百出熱鬧滾滾，紅塵滾滾乎！皆以根塵用事，其欲有成，則必難如登天。宜修胸中之誠，以應天地之情。欲在世上立第一功德事者，莫如道德，凡事良心為要，抽閒用功，討論三教義理，講究性命根源，半聖半凡，悲智雙運，遇緣即渡，使人明德明理，早晚香燈懺懺，依此而修，保君不落空榜。

顯諸仁，藏諸用，外修行持：道場倫理，佛規禮節，尊師重道。內修心性，心存感恩，尊無形之師，重性德之道。鼓萬物而不與聖人同憂，盛德大業至矣哉。如菩薩者，不盡有為，不住無為，盡人合天，兼善天下，入污泥而不染。無為大道自然，不用將心畫度，智者知心是佛，愚者樂往西方。學道君子以真理為宗，以立德為命，辦君子之事。君子有三畏：畏天命，畏大人，畏聖人之言。

異端旁門雖有千萬，真傳正門唯有一貫。古德曰：上天對修道人最後的評定昇降是以：德性、戒律、心念、愿行、火候，向修者宜慎之。子曰：「雖小道亦有可觀，致遠恐泥，是以君子有所不為焉。」靈光獨耀，常體無生。亙古亙今獨有大道為貴。守三清四正，掃三心四相。談真錄云：「希聖希賢少有能，詐言妄語人皆聽，道德宜修誰肯信，舉步輕狂竟相從。」又曰：「有心尋明明不明，出離此籠入彼籠，自覺自身無塵垢，那知還在泥水坑。」

十龍戰水民安樂，亙古開來康莊道，虛懷若谷念無生，吾心佛心天地心。坐微塵轉大法輪，發真如妙覺明性，入如是妙莊嚴海。守本真心，圓滿菩提，了悟覺醒，歸無所得。佛曰：「起諸善法是幻，造諸惡業亦是幻，身如聚沫心如風，幻是無根無實性。」金剛經云：「云何應住，云何降伏其心。」佛言：「應如是住，應如是降伏其心。」故曰：「滋養心上地，涵養性中天。」涵谷幽蘭，如是我聞。萍蹤百忙，書不盡言。多言數窮，不如守中。